

7. januaari 2026

Inatsisartut Suleriaasianni § 37, imm. 1 naapertorlugu tulluuttumi apeqqutit Naalakkersuisunut saqqummiuppakka.

Naalakkersuisunut apeqqutit:

- 1. Angajoqqaat qitornami napparsimasup angerlarsimaqatiginissaanut periarfissaat pillugu massakut malittarisassaasut Naalakkersuisut qanoq nalilerpaat?**
- 2. Meeraq suli napparsimagaluartoq meeqqerivimmukaanqartillugu meeqqap pisariaqartitai pillugit Naalakkersuisut qanoq isumaliuteqarpat?**
- 3. Meeqqap peqqissinisaata tungaanut angerlarsimaqatiginissaanut angajoqqaq pisinnaatitaaffilerneqassagualuarpas tamanna aningaasatigut, allaffissornikkullu pisortanut qanoq kinguneqassava?**
- 4. Meeqqerivinni, suliffeqarfinnilu tunillaassuunnermut massakut malittarisassaasut sunniuteqarnersut Naalakkersuisut qanoq nalilerpaat?**
- 5. Meeqqat peqqissusaat, angajoqqaat suliffeqarnikkut inissisimanerat, meeqqeriviillu ingerlatsinerat eqqarsaatigineqarlutik ataqatigiinnerusunik, eqaannerusunillu aqqiissutinik pilersitsinissamut Naalakkersuisut suut periarfissaasoraat?**
- 6. Sammisamut soqutiginnartunik allanik Naalakkersuisut paasissutissiisinnappat?**

(Inatsisartunut ilaasortaq Pipaluk Olsen, Demokraatit)

Tunngavilersuut

Angajoqqaat qitornami napparsimasup angerlarsimaqatiginissaanut killilerujussuarmik periarfissaqarnerat ullumikkut nalinginnaavoq. Taassuma kingunerisaanik meeqqat peqqissilluarnatilluunniit meeqqerivimmukaanqakkajuttarput. Taamatut pisoqartartillugu meeqqap pisariaqartitai ilumut qitiutinneqartarnersut apeqqusernarpoq.

Meeqqat napparsimatillugit meeqqerivimmukaanqaraangata meeqqat, sulisullu akornanni tunillaassueratarsinnaaneq annertusisarpoq. Napparsimasaqattaarnernik, ataasiaannarani angerlartitsisarnernik, meeqqerivinnullu sulisoqarnikkut unammillernartitaqareersunut qaavatigut artukkiinermik kinguneqarsinnaavoq. Ilutigisaanik angajoqqaanut meeqqap pisariaqartitaanik, suliffeqarfiullu piumasaqaataanut nalimmassaasariaqartunut annertuumik ilungersunartumik inissiisinnavoq.



Meeraq napparsimatilluni eqqissisimanissaminik, toqqissisimanissaminik, qanilaarnermillu pisariaqartitsisarpoq. Meeqqap peqqissinissaata tungaanut angerlarsimaqatigisinnaanera piaarnerusumik peqqissinissamut, tunillaassuinerullu annikinnerulernissaanut tapertaasinnaavoq, tamannalu siunissamut ungasinnerusumut meeqqerivinnut aamma suliffeqarfinnut pitsaasumik aamma sunniuteqarsinnaalluni.

Meeqqap napparsimanerani massakut sinaakkutaasunut Naalakkersuisut isiginninnerinik, ilutigisaanillu pisortanut aningaasaqarnikkut aamma allaffissornikkut kingunissai eqqarsaatigineqarlutik meeqqap pisariaqartitaanut, atugarissaarneranullu tunngavissiinerusumik tamat isiginnissuseqarnerusumik aaqqiissutissaqarnersoq paasinninnissaq apeqputini siunertaavoq.

Apeqquteqaatinnut akissutit piffissaliussap ullut suliffiusut qulit iluini tigunissaat qilanaaraara.